

中國社會科學院創新工程學術出版專項資助

楊一凡編

古代判牘案例新編

第十七册

社會科學文獻出版社
SOCIAL SCIENCES ACADEMIC PRESS (SHAN)

古代判牘案例新編

楊一凡編

第十七冊

 社會科學文獻出版社
SOCIAL SCIENCES ACADEMIC PRESS (CHINA)

古代判牘案例新編第十七冊目次

天台治略 識語 〔清〕戴兆佳撰 一
清嘉慶九年活字重印本

崇雅堂稿 識語 〔清〕王植撰 一二九
清乾隆刻本

徐雨峰中丞勸語(上) 〔清〕徐士林撰 一八五
清光緒三十二年武進李祖年聖譯樓刻本

〔清〕戴兆佳撰

清嘉慶九年活字重印本

天台治略

謙語

郎川感舒菴著

天
台
治
界

湯
版
重
刷

一件騙拐賣良等事

審得季周易與已故之季蘇升雖同係義烏人氏然實風馬無涉也蘇升有女壽娘初嫁奚茂生爲妻茂生物故繼嫁楊仲啓爲妾今又轉嫁陳大佑爲妾是壽娘之別抱琵琶甘心備位小星者固已一而再矣今季周易抹煞從前楊仲啓曾經娶過壽娘爲妾一事露控陳大佑季美生等爲拐騙賣良其意亦何居乎夫同一壽娘也同一爲妾也借曰拐騙借曰賣良試問周易何以不控楊仲啓於前而控陳大佑於後耶且

對簿之下周易與壽娘從不識認卽與美生等亦從不謀面據供周易是季非季不得而知合之証佐衆口僉同則周易之此控也實屬借端囹詐今訊係伊子季從雲季從敬駿使所致責其子而寬其父洵非枉縱壽娘仍令陳大佑領歸完聚遂釋免供立案

一件佔逐滅祀事

審得湯遂卽張利樹刁徒也故民湯亭柱始因
無子螟蛉張利樹更名湯璣撫育婚娶倍極恩
勤後生親子湯璣湯琰二人璣分授田產另居
各爨已歷有年所矣今璣所分之產蕩盡闕有
祀田復想烹肥噴璣不允膳駕佔逐滅祀虛詞
瀆控獨不思湯氏之春露秋霜以永蒸嘗者自
有湯璣湯琰在焉非其族也不在祀典又云非
其所祭而祭之各曰淫祀淫祀無福璣係非種
鋤而去之湯亭柱豈遂爲若敖之鬼同祀郇蓼

陸抱不祀忽諸之痛乎璩也何得反以佔逐滅
祀控湯瑜兄弟耶才健實甚除與黨同袒証之
湯汝荅湯惟表并黨總鄭龍並予杖做外湯璩
仍令歸宗不得違律以張姓亂湯氏宗族今而
後璩與汝荅惟表倘敢復生覬覦再起風波三
尺具在不稍貸也立案

一件掘塚毀坊等事

審得陳兆鼎乃倚衿護符夜郎自大者也劉維
虔與褚從傑有祖墳一坵坐落十九都劉門口
蟠龍山又名前山灣馬鬣松楸窳窳永安已百
有餘年矣詎兆鼎忽認爲牛眠白鶴之祥餌褚
從傑之故兄褚從爵並劉維虔之堂弟劉惟華
先後契賣希圖不棄起造墳塋劉維虔出而控
告訐訟經年懸案未結今維虔復以掘塚毀坊
等事具控本縣卑騎親勘見褚墳在上劉墳在
下界址毗連是此一坏之土固褚劉二姓祖宗

之魂魄實所憑依而兆鼎乃用計謀買思毀他人久遠之墳墓扞作自己鬱土之佳城非惟有犯王章抑且大傷天理易地而觀捫心自問安耶否耶庭訊之下兆鼎毀坊是假謀墳是真除將違律賣墳之劉惟華從寬責儆所得契價四兩肆搗根銀一兩六錢照追入官褚從爵已經物故契價死追陳兆鼎知情謀買本應詳究姑念已經悔悟當堂哀頷一並從寬薄罰銀二十四兩修理學宮令稍解慳囊作當頭棒喝可也褚從爵劉惟華文契二紙抹銷附卷墳聽褚從

傑劉惟虔等各永遠標祭立案

一件佃賣主田等事

審得陳明水之父存日將田地賣與故民陳君德君德於康熙四十五年賣與曹廷芳迄今一十四年營業無異是固買賣清楚之產也今明水突以佃賣主田具控差拘庭訊明水堅以伊父所賣儘止官田四分今廷芳所管現有一畝二分曉七置喙隨諭原差督着黨總田鄰及兩造公同踏明四至坵角畝數去後稟覆之下細加研求始知廷芳所買之地今已開墾成田明水矚其地少田多故爲此控獨不思滄海桑田

桑田滄海今古皆然明水何得藉此希圖單佔
耶薄懲以儆其田仍歸廷芳照契管業但查地
之弓數原多於田且明水戶下虛稅又多廷芳
既已墾地作田相應再於陳戶收辦田稅五分
以斬葛藤明水不得再逞刁鏹另起風波致干
三尺立案

一件異姓亂宗等事

審看得姜叔大本姓楊乃姜應菊之售子而姜叔誠則應菊之親子也田房產業不分彼此兩股均分相安已久今因祀田二十五石叔大恃子姜于蕃一衿護符思起而攘之捏稱叔誠賣田叔大贖回其稟郎令批照鯨吞毋怪乎叔誠有異姓亂宗業佔之控也庭訊之下叔大贖田毫無憑據惟以印照爲稟獨不思贖回果真何必求批執照卽此便屬子虛况驗郎令所批之照止有註語餘外並無一字不知閱何情節遽